

Atvinnuvega – og nýsköpunarráðuneytið  
B.t. Ólafs Friðrikssonar skrifstofustjóra  
Skúlagötu 4  
101 Reykjavík

Reykjavík, 14. apríl 2015

### Efni: Útgáfa opins tollkvóta vegna yfirvofandi kjötskorts

Hætta er á kjötskorti í landinu vegna verfalls dýralækna, sem boðað hefur verið frá og með næstkomandi mánudegi.

Í Fréttablaðinu í morgun er vitnað til tilkynningar frá Guðbjörgru Þorvarðardóttur, formanni Dýralæknafélgs Íslands, sem boðar að komi til verfalls muni slátrun í landinu stöðvast. Í frétt blaðsins er jafnframt haft eftir Finni Árnasyni, forstjóra Haga, að ferskvara muni klárast á tveimur til þremur dögum í verfalli og stefni því fljótt í kjötskort í verzlunum, komi til verfalls.

Félag atvinnurekenda fer þess á leit við ráðuneytið að það kalli saman ráðgjafarnefnd um inn- og útflutning landbúnaðarafurða og nefndin undirbúi að gefa þegar í stað út opinn tollkvóta fyrir fjölbreytilegt úrvall nauta-, alifugla- og svínakjöts, komi til verfalls. Samkvæmt 65. grein búvorulaga ber ráðherra skylda til að gefa út slíkan innflutningskvóta, að fengnum tillögum nefndarinnar, þegar framboð vörur er ekki nægjanlegt á innanlandsmarkaði.

Með skjótum viðbrögðum nefndarinnar og ráðherra má afstýra kjötskorti og tryggja fæðuöryggi landsmanna. Aðgerðaleysi stjórnvalda mun á hinn bóginn, að óbreyttu, valda skorti á nauðsynlegum matvælum, skerða lífsgæði og skaða allan almenning í landinu.

Virðingarfullst,

Ólafur Stephensen,  
framkvæmdastjóri Félags atvinnurekenda